

之元  
子公英

(肝)


正左名各實老。肝中真得明君字號專。日中護老著生醫進  
紫老老護醫保學案。青老老醫。學醫醫醫明車  
正左名各實老。肝中真得明君字號專。日中護老著生醫進  
十九

大洞帝尊示現之圖



夫人之身以萬炁凝而成形萬神具而始生。既生為嬰兒純和冲粹天理混如即大洞帝尊之本體也若修文昌復歸於嬰兒謂之形神俱妙

符化玄炁王



嬰兒既成化為玄炁謂之升入无形與道合真復歸於无極之中一〇而已始知根源自此而生自此而終大通經云真空无相湛然圓滿者也

玉清无極總真文昌大洞仙經序圖卷之一

正一天師清微弟子 洪百堅 製作  
道教學術資訊網站

玉清无極總真文昌大洞仙經卷之二 冬二

東蜀蓬萊山中陽子衛英註

發明經題

玉清者

玉清已有太易太初太始太素炁形質具未始相離則有大洞高上混洞太无元天寶玉皇之炁以生元始時號高上大有玉清宮故大洞即太極也時號龍漢上劫文昌經所出之時也

无極者

无極而太極太極本无極也五太已前冲漠无朕不可稱說故曰无極

總真者

乃總括天真地聖人神精魂六緯之姓名盖有是形必有是炁有是炁必有是理理者天理也純粹不雜誠實无妄釋曰實際道曰真儒曰誠其實一也誠者天之道也子思孟子發明已盡既有此誠實之理必有主之者即周子无極之真二五之精是也道曰杳冥之精其精甚真又曰真中有

神是以三才中各具此理此神以生莊子曰天地與我並生萬物與我同體此經包羅天地囊括三才无一處不實故曰總真文昌者

文者理也如木之有穴其象交錯古者蒼頡制字依類象形昌者盛也大也言天地之文理盛大也如伏羲則河圖之文以畫八卦立三極之道此經所以推窮三才中之文理性命皆自二炁五行中出故文昌星乃土炁所化坤土之卦辭曰黃裳元吉文在其中也艮土之卦辭曰生萬物者莫盛乎艮成萬物者莫極乎艮故周子所謂陽變陰合遂生五行度人經云五文闡廓普植神靈而南上文華光彩煥爛故十四章云南昌發瓊華乃南極長生朱陵上帝南昌受鍊真人所治見有上帝所賜注生真君八角玉印所謂南斗注生不言文昌而言南昌蓋丹天世界文明之地梵炁所化是為南昌上官今南嶽衡山朱陵洞天上應奎軫始因奎壁垂芒帝命主持斯文

壁位居東專主圖書奎位居西專主文章蓋奎宿有文彩壁宿能藏書昔熾火之後於屋壁得古文故壁之於文與有功焉是以文昌宮有東壁圖書府太微垣中有南斗第五星文昌煉真君又有太上九炁文昌宮文昌上相次相上將等星又有文昌圖流運以生化文物是故天地之間生成變化之道莫大於此故曰開明三景是為天根无文不先无文不明无文不立无文不成无文不度无文不生等語實基於此易曰物相雜故曰文是以文昌一經雜紐不貫亦如易繫云變動不居周流六虛上下無常惟變所適又曰參伍以變錯綜其數通其變遂成天地之文亦此義也故文昌之在世者乃教化之本源

大洞者

大者雖天地之大不可加也洞者通也萬物通有此理即太極之謂太極既判天地人三才各極其位所謂物物具一太極故總而言之是曰大洞即邵子所演箕子所

陳皇極之道同義經錄法皆有三洞而大洞最高

仙經者

經者由也萬物公由之正路也儒詩書易禮語孟春秋皆經也修道之謂教故曰仙經元始因人之所稟賦各具是理故修明品節以為教化之本使鬼神并人各返本源就所稟受處修進以為學道求仙之捷徑也人能原始要終反求諸其身則天地萬物皆備於我矣

文昌準易

題曰无極總真文昌大洞者似為倒持有所不合當依无極文昌總真大洞无極者即太極中陰陽動靜也文昌者五行也總真者乾道成男坤道成女也大洞者化生萬物也經曰萬炁生萬神是也故曰太極圖是一部周易无極圖乃一部文昌大洞已於圖中明之雖然久則難變恐貽衆疑姑仍舊貫且此經與易无異易以乾坤為門經以大地為主門用也主體也仰則觀

乎天文俯則察乎地理理亦文也天文者六十甲子日月星辰布列三十二天也地文者六十四卦配於三十六壘也人文者凝集三十六宮三百六十骨節中神炁也即度人經三十二天外彌羅天清微天禹餘天大赤天是也三十六地者九壘土皇每壘分四土皇共三十六土皇總治方輿衍而伸之則乾之策二百一十有六坤之策百四十有四二篇之策共三百六十以應周天太陽行度之數也小而陽爻因之凡陽爻皆三十六以應四九金數也今大洞首章四言者二十二句計八十八言另安於上以應无極外五言正經三十六章計六百二十句每句當易卦一爻六十四卦計三百八十四句應之以乾坤坎離四卦計二十四爻古人處之四正非也蓋乾坤為大父母而生六子坎離乃萬物之父母生生之根也當置太極之中其六卦以三百六十爻分布於十二月上應周天火候餘二百三十六句將二百句分布四正

以應四象太易太初太始太素每方五十句合得八句卦每卦六爻計四十八爻外取二句以分卦之奇耦陰陽而四象備矣復取三十六句納於中宮以應太極得卦六所謂金入土釜丹鼎圓成經計四千九十六言即易變四千九十六卦也以此解釋則知文昌乃一部周易也易有聖人之道四經有聖人之道五窮天地之原者尚无極保性命之正者尚總真究陰陽之理者尚文昌神變化之妙者尚大洞咀辭味之奧者尚仙經乾坤毀則无以見易陰陽隔則无以見文昌經亦易簡之道也君子所居之安者經之叙也所樂而詠者章之辭也顧不妙哉其餘觸類以長之將以俟於方來琪載拜

初出流傳人間之祖也文昌皇人次之者乃韓運生炁主持文物輔佐皇猷之祖也按帝君內外傳并化書及經叙帝君於周武王乙巳歲生於兵會即今平江是也受三真人文昌大洞經後以看誦之勤屢獲感應受金像法錄行持救濟有效遂證大洞妙行聖果故作叙并玄契以開化天下四海未嘗无之然以累經兵火或絕而不嗣者有之矣今行于蜀而蜀人深信者以帝君在蜀為大神自唐至今累朝崇重封王建廟所以帝君專以此行化救人其間亦多有因此得道者要之此經自周武王時流傳人間至今已二千有餘年矣故其字或少有舛失亦无足怪尚幸累世至人證訂有次誦者亦不必疑被惑此但至誠精一行得一句亦可以為上仙或謂與上清大洞不同琪曰今三山皆有經蘇法亦各不一况此乃玉清文昌大洞明達之士皆歸一道識淺者固有異

文昌勝會

文昌會上有通悟禪師波淪禪師蜀中諸禪師皆觀音菩薩化身並與嗣祿道場說曰心珠會仍以

帝君為主每歲各師生辰諸山釋子大作勝會廣化香火慶贊稱賀官負士庶欽仰者比比焉故凡二教經儀多釋道混融互用又有

寶光天尊圓通道場敷座搖帝鍾彈梵語咒九朝行道亦有水陸科等其間未喻者或謂

語意不純非不純也大抵道之一字唯理是適理之所在其道大同奚分於二教唯其弗

能推致窮極則生異見是以疑惑不能堅確此心此心尚不能堅確安能求道理於純一哉

大帝世稱碩儒刻意墳典於晉太康中舉家歸風洞登仙累朝崇重以為斯文宗主先過

太上賜丹獲證道果後過釋迦授記又證大乘故於三氏門中維持正教今皇元累降寶

書褒崇易靈應廟為右文開化之祠祠者國家之祠祀也與諸神廟號不同又加封輔元

開化文昌司祿宏仁帝君諸神中膺帝號者

極鮮妥蜀產也蜀祠不在言宜自訪海嶽每至必訪靈迹在在有之吳山又最尤是知香火之盛如此其保安家國利濟幽顯其功用豈可量哉又知文昌官官屬總總并并今將文昌家慶聖諱并誕辰開具奉文昌香火者宜知之

大帝累世諱 善勲 忠嗣 孝仲 如意 勲 浚 已上不思 古名惡子後去中下二字唯諱亞字露夫書詞疏者切宜避之 二月初三日誕

左司獨孤氏七月十五日生乃許旌陽後身因斬却州靈功累朝封八字王今掌文昌左班領官屬一千二百人封廣佑嘉應昌澤孚惠王 右司李斌八月十五日生以破符堅功累朝加封八字王號今掌文昌右班領官屬一千二百人封英惠忠烈翼濟正佑王 紫微垣文昌將相星君太微垣文昌三公內座星君少微垣文昌處士博士星君文昌上官周文憲王大成至聖文宣王太清九炁文

昌君太清紫蓋官夫子君東井清明君清明了决史九奇官五經孔炁君文昌內侍六仙白鶴蓬萊長壽桂花菊花桂香外殿如意四將左右前後四金城文昌北府左右二丞相左右二太史蘇黃二真人御史呂真人長史張真人天簡註授司侯真人隨機應感姚真人運機赴感秦真人混一元皇君北府統帥武經公左金吾使兵將軍右金吾使狄將軍掌如意劉將軍主營兵籍七聖將軍木馬烽火快利巡獵鵬虎等將軍營府省臺一百二十員大將三十司諸靈官監真宅監雷打監邊疆將軍文昌府左右通引判官採訪遊奕使鳳凰山應夢土地真官 具位日姓某謹炷心香虔伸供養

三清三境大羅高真三寶上聖金闕昊天至尊玉皇上帝大洞祖師太玄道父牛尊先生玄天上帝祖師九天開化主宰元皇上帝祖師玄一真人鬱羅親玄二真人真定先玄三真人光妙音祖師東華大神方諸青童君扶桑山陽各神王祖師太素三元君祖師青城

山九天丈人儲福定命真君廬山九天採訪使者應元保運真君祖師太極真人安度明徐來勒霍山王元甫鎮京杜冲祖師申泰之祖師西城總真王君王遠字方平小有天王太素清虛真人王復字子登祖師南山司命夫人紫虛元君魏華存女冠徐練師周武穆公主周惠林真人祖師三天左相保和真人王昌運大洞嗣師王道淵潤州太守唐若山真人祖師全真達道真人張如珍葆光襲慶真人張臺要祖師揚大明祖師銀青光祿大夫崇玄館大學士廣成先生劉元靖祖師鄧欲之祖師冲和見素真人施存祖師楊太初聶紹元高雲舉劉根真人祖師天師真人薛季昌薛幽棲瓊瑤真人寶峯衛寶元字桂之祖師黃蘆子廬山王三一南嶽彭蔡二真人謝脩通聶師道真人祖師龔長慶向子文田虛應俞靈瓊陳與明蕭靈護蕭惟億陳先生真人龍虎山茅山閩皂山歷代祖師真人歷代傳經傳錄傳道祖師真人恭望真慈俯降經筵證明修誦於有茲願悃控告

上真伏願垂光印知修誦臣某下情无任戰慄之至再拜以聞

平坐存想法

謹出臣某頭面身中五臟六腑真炁生炁神人一合凝集臣某身中屯駐所居金房玉室

母請散亂急急如律令

髮神蒼華太元君腦神經根泥丸君眼神明耀英玄君鼻神玉瓏靈堅君耳神空闕游天君舌神過命正倫君齒神鈔鋒羅千君面部之神自相守攝真還真永无傾急急如律令  
心神丹元守靈君肺神皓華虛靈君肝神龍煙合明君膽神龍曜英明君腎神玄明育嬰君脾神常在鬼亭君重樓一十二真人五臟六腑身體精皆在心內詠天經晝夜存之自長生急急如律令

九靈太妙白玉龜臺金真萬炁祖母元君心中一真天精液君字飛生上英回風混合上真聖母中候元君名啓珠胃脘二真堅玉君字凝羽珠雌一帝真九光聖母精血三真元王君字黃寧字玄斗中大女儔立蘭肝中四

真清明君字明輪童子斗中真仙少女都墨子脾中五真養允君字太昌子斗中太一神君字頻運珠肺中六真上元素玉君字梁南中童大洞帝一太素尊靈父寧母精腎中七真玄陽君字真光東方青帝彤梁際膺中八真合景君字北臺玄精南方赤帝長來覺泥丸九真帝昌上皇字先靈元西方白帝彰安幸上玄元父君叔火王字左回明北方黑帝保成昌上玄元母君高同生字右回光中央黃帝含神光紫素左元君翳鬱何字安來上帝皇太一重冥空字幽寥无白素左元君啓明蕭何字金門上九帝尊神日明精字衆常生黃素中元君圓華黃何字太張上上玄九帝尊神君諱明真正一左仙仲成子帝宿字西華三素老君罕張上字神生道正一右仙曲文一光堅字琳和玄一老子林虛夫字靈時道左目童子飛靈字陽光太微小童干景精字會文子右目童子晨嬰字陰精玉帝君達陵梵字復昌靈胎中元真精真字元君无英公子玄元叔字合符子胎中白炁君務玄

子字育上生白元洞陽君鬱靈標字玄夷絕結中青炁君案延昌字合和嬰白元君朱晶字明師節中黑炁君斌來生字精上門白帝君彭安字西華胞中黃炁君祖明車字神无極太一尊神務猶收字歸會昌血中赤炁君混離子字叔實堅中央丈人理明初字玄度卿太一精寃玄仞子字盛昌中央司令君神宗字理靈標元君精寃保谷童子字明天日中司令接生君字道靈帝真精寃樂堂生字觀上生命門桃康君孩道康字合延精天帝精寃理維藏字法運珠月中桃康君方盈子字運梁司令精寃發紐字慶玄泥九天帝三一君伯史華皇一之寃上歸字帝子三一帝真學勤精字中玄生天帝紀寃照无阿字廣神絳宮中一丹元君神運珠字子南丹大帝

精寃陽堂玉字八靈君絳宮中輔卿中光堅字四化靈天帝九關寃回禱道字絕冥命門黃庭元王君伯史原師部童子素明字元英黃庭君始明精字元陽昌九元真男拘制字三陽黃庭下敬卿歸上明字谷下玄九寃君

玄精育日中王赤景字翳逸寥月母字靈素蘭九寃神渾化歸三部八景神三十六宮生炁君照依八景運常掌廣寶恭神天註下存想思茲不重贅

謹集其身中五體真官五臟六腑七政九官十二神室四肢五體筋骨腦髓皮膚血脉九竅榮衛一百八十靈關三百六十骨節千二百形影萬二千精光左三寃右七寃三部八景二十四神身中三萬六千人神吾是太上之子元皇之孫頭冠朱雀足履玄武左接青龍右接白虎使巨其心不受邪肝不受病肺不受毒腎不受死膽不受怖胃不受穢一身清淨萬邪不干史兵導引五神侍側急急如律令

精思法式

凡欲持誦文昌大洞經當以清旦人事未交之際香湯沐浴更服新衣齋戒入室然燭焚香北面叙立持呪洒淨祝香告聖叙意禮請獻九分茶并菓食隨意如无茶但淨水九盞亦可務在至誠不必拘執然後面東安坐朝

取生炁屏息定慮母得雜亂妄想雙目內觀黃庭空无所空須是靜定久之即存肝中青炁化為青龍立左肺中白炁化白虎立右心中赤炁化朱雀立前腎中黑炁化玄武立後己身坐九色蓮花座上下有九頭獅子乘座三元將軍四聖元帥侍立次思頭上天中三寶九霄生神上帝放九道光芒透射此頭上九宮并身中九戶次想三十二天帝六十甲子本命星官並垂光下燭此身中五臟六腑三十六宮下至三十六地土皇君湯泉至泥丸通天徹地虛明晃朗一分明次存肝青炁化无英肺白炁化白元心赤炁化司命腎黑炁化桃康太一在頭此五神乃萬神之宗故先存想如道士朝元冠服各隨方分服色侍立左右前後次存萬炁萬神一如法持呪飭神心存口誦事畢即微微開聲誦經不必轟然嘯吼高聲唱叫但在存想精密而已此乃古仙持誦三洞經法有侍經五帝玉童玉女護法威神隨經誦護不可輕忽也所載經驗備悉可以潛觀熟觀或

天真下降或地祇鑒臨或自己身中神識出現如蕭唯億四獸現形皆是存思精詳所致好道之士各宜遵行

### 文昌大洞仙經叙

九天開化主宰海真正觀寶光天尊教養

予生吳會居事吹澮忽於鋤下得一金像詢之父老曰乃元始天王相昔大禹理水冶金爲像以鎮方嶽予香火奉事未嘗少懈因海風翻浪人力不能支予爲兼捨金像投駭浪中由是風潮遂回一境獲免思仰之久一夕於沙磧中有光亘天極之仍得舊像歸蔡宮安奉同邦人共事之積年靈感不可勝紀予考妣不幸死於瘟疫予喪葬廬墓培壅既周偶有三神人<sup>卷二</sup>葛巾羽褐芒鞋訪予以大洞仙經一帙賜予曰晨夕誦之必獲善果於三才中上可以資奉父母祖先魂靈出離幽苦中可以滅罪消災延壽益算下可以庇族救人同獲保全汝可捨金寶拜吾三人吾爲傳奏

予即日依命設齋貢金繒奉師受之爾後晨夕誦持不輟屢獲靈應因盛夏洪水滂浸考妣墳塋予禮奉金像誦大洞經期以千卷爲終以保無虞次年秋雨霖霖傍溪湧漲數流爲一予益恐及水落視之則墳前溪谷變成堅瓏廣一里餘自是松楸無害予嘗思父母死於疫疾恨瘟疫之害切骨爲憐幽明路殊力不能報旦夕勤誦大洞仙經虔禱金像願賜威力以治瘟疫又三年忽夢金像語予曰大洞仙經汝熟記矣大洞法錄汝未見也今當授汝以治邪魔非惟可以契汝初心亦可以佐天行化助國救民也袖中出書二件予拜受之一曰大洞錄二曰大洞法既覺此二書在子枕前因設齋置匾收貯擇日出而閱之讀至大洞天騁甲卒一萬人下度之句忽風雷晝瞑金甲朱綬者無數列於予前俯而請命一人執紅旗立於衆先曰願聽使令予方恍惚不覺厲聲謂之曰吾要汝等往治瘟疫此鄉張也使家闔門病瘟爲吾驅來語畢一持旗者領百餘人入其家俄頃執鬼五人

出有蒙虎皮者冠雄雞者貌若人者若鳥頭者若驢頭者所執有水火羽髮斧鑿之具子怒而叱之將滅其形彼乃有辭曰元伯等歲運所生歲炁所成所遊有方所病有人陰譴重者受其災天命絕者致其死亦非元伯等所敢私始自三官五嶽上奏玉帝呈世人罪狀由是帝命行下三官五嶽行病年王案分給牒分遣元伯等一依定籍行之若蒙真官賜以寬貸自後願遵約束遇有行瘟見真官符錄所在即不敢至予因依經法授以教勅而去閭里病瘟者予與之符法皆得全活予因此法錄救人疾疫衆矣名聞遠方士庶官吏踵門求治者不可勝數予積玄功妙行皆由持此大洞仙經而獲大洞法錄故能全收神功立正除邪濟生度死消災延壽其後冥冥中有大力鬼神杜朝英乘來求予誦經回施者皆謝云乘真官經力增助威德還神善籍矣或有沈寃滯梟不得往生託夢附形來求予誦經資薦者皆謝云乘真官經力已出苦趣俱得更生矣應遇天

行時疫侵染不止但誦此經行法錄中道瘟符絕瘟符止瘟符差遣天騎甲卒已上收瘟食瘟吏收毒食毒吏收邪食邪吏收炁食炁吏收鬼食鬼吏收殃食殃吏收精食精吏治病神醫吏誅符破廟吏乃正一或九等將等九部各領甲卒及北方黑騎天官五億萬騎蒼老麻姑金剛力士等收捕之先牒年王次申岱嶽分委城隍社令劄遣瘟使臣聞經不依盟約拒正不伏退散者然後奏而滅之夫大道尚慈太清常善

上帝好生推仁止殺行經法錄者不可徇私苛暴以招天譴但以禮遣之以經奉之以法錄威之以善功勸之亦方便脩行之捷徑也行此經法錄之士宜在詳酌以立玄功此經能解冤結止譴考釋喫呪解觸犯安墳宅寧軍府息甲兵止疾疫祈風雨降祥瑞致蠶穀保形命庇族屬救鄉社安邊陲陸禁蟲虎止旱滌滅妖怪息群凶退消暗曜惡星安奉祀典鬼神資薦祖先靈識賑濟窮蹙滯鬼此乃文應周歲二十四點皆可設齋誦經行法以穰

謝之其餘治病誠毒有紫庭天醫神方乃禹皇金后之餘恩及乎萬世使人无橫天之傷時免札瘥之患奉教之士當尋訪受習以取玄功予證果太上不驕樂育天帝澄真正觀寶光慈應更生永命天尊實由誦經之勤遂臻上清之貴得受誦者勉而行之願與同文昌一會中人齊登妙行謹叙

元制誥

上天眷命

皇帝聖旨維明有禮樂維幽有鬼神妙顯微之一貫在天為星辰在地為河嶽形功用於兩間矧能陰陽於大猷必有對揚於懋典蜀七曲山文昌官梓潼帝君光分張宿友詠周詩相予泰運則以忠孝而左右斯民炳我坤文則以科名而選造多士每過揀於苗惠彰感應於勸懲貢舉之令再頒考察之籍先定賞飾雖加於渙汗微稱未究於朕心於戲予欲文才輩出爾丕炳江漢之靈予欲文治宣昭爾濬發奎壁之府庶臻嘉號以答寵光可加封輔元開化文昌司祿宏仁帝君主者施

行 延祐三年七月 日下

七曲聖號

金闕昊天太師混元內輔三清上宰大都督府都統三界陰兵行便宜事管天地水三界獄事收五嶽四瀆真形虎符龍券總諸天星曜判桂祿嗣籍上仙元皇真人天台丈人五炁君司祿職貢舉真君編修飛仙列籍掌混天造化論迴救苦天尊筆端无一事之不言分身无一民之不救九十五化之昭乎日月億千萬劫之拯乎黎民全忠孝之大倫示臣子之彛式威光自在道德无為南極長生真王九天定元保生扶教開化度人主宰長樂永佑十號圓滿慈尊糾察三界禍福事證果定慧王菩薩迦釋梵正如來太上不驕樂育天帝玉清內境清淨道真身現紫微嚴手執如意杖普濟諸苦統御萬靈都統混天誠心接物萬天教主隨願慈應天尊大聖大慈大仁大孝无邊无量至妙至玄九鳳闕右丞相元皇上帝新冊輔元開化文昌司祿宏仁帝君祖師澄真正觀寶光天尊詩曰天封并寵



數是三百字功俾三綱經具仙玉傳編  
陰符莫與京若人持念者世代享才榮

十號圓滿專號

澄真正觀天尊實光慈濟天尊靈威慈應天  
尊注祿定籍天尊消魔護國天尊慈悲應感  
天尊淪洎救苦天尊消劫行化天尊隨願靈  
應天尊更生永命天尊

玄帝聖號

北方太玄湛寂天大梵龍阿境天一長生闕  
瓊瑤紫極宮體道凝玄變真離相化身萬億  
普現諸方太極真宗太玄道父洞神金闕祖  
普光弘濟尊靈通太妙仙八威九光聖執洞  
淵帝心印秉陰明斗極符統玄武右弼司判  
左領勝府院大弘慈願變現威神普斷妖魔  
救護群品匡扶劫運保濟國民威德无邊神  
通浩博受蒼胡頡寶持檀熾鈞音萬行周圓  
神通滿證大悲大願大聖大慈紫極元皇玉  
虛師相玄天元聖仁威上帝金闕化身天尊  
文昌皇人聖號  
太極上真九疑主宰文昌皇人玄聖道君東  
海廣桑山真君闡猷大帝興儒威世天尊

鄭淵教真人大洞經贊

讚嘆寶經

甲一

大洞真經本大乘淵深蘊奧極玄冥十方三  
世諸仙聖修習功成達始青

具宮玄妙

乙二

三洞三乘未易涯虛皇妙語絕纖瑕諸經萬  
法歸宗祖解悟登躋浩劫家

奉勸當世

丙三

帝王宰輔及公侯州牧諸官與庶流富貴榮  
華无別事總真大洞究玄猷

誠論三教

丁四

緇黃二教若殊途聞禮聞詩君子儒咸可誦  
持真大洞先天地一虛无

誘引勸諭

戊五

全真學道衆王民萬法千門枉用心大洞仙  
經持萬遍虛皇老子自知音

善信男女

己六

世間文武衆曹僚娼妓閭閻比比儔咸可率  
心持大洞罪根剷滅與神遊

決定證果

庚七

大洞真詮異衆經登仙入聖謁玄真饒經八  
萬塵塵劫圓證虛皇无上人

憂嘆愚俗

辛八

咄哉蠢蠢未明徒豈識浮黎黍米珠大洞度  
人元一體等閑平地達玄都

方便勸勉

壬九

若欲修行達上乘爭如大洞幾篇經盡心盡  
性修身法悟得高昇大有庭

因緣際遇

癸十

子因諸子毀斯經述頌稱揚讚此經功德巍  
巍无盡藏虛皇妙道本无形  
元皇大天帝大洞經贊

因由緣起

歲君

始自蒼胡檀熾音結成雲象度天人太玄道  
父親求受下世方聞大洞經

修真學道

立春一

大地凡夫學悟真仙源路杳實難尋欲知捷  
徑无差錯口誦心持大洞經

析祿仕保子嗣

雨水二

宗祖前生善力輕今生祿嗣頗艱辛橋祈欲

得如君意何似動看大洞經

消弭災異

驚蟄三

日月无光若併吞星辰錯度素天文上消天厄寧凡庶至士同宣大洞經

祈風雨致蠶殺

春分四

旱魃為災雨若金蟲蝗水湧殺无成普教豐稔无饑饉祈禱全憑大洞經

誘化凡庶

清明五

工賈農商與四民貪求不覺業隨身忙中好割關心力習誦文昌大洞經

寧軍府息兵甲

穀雨六

府庫資財甚滿盈兵戈水息樂昇平民歌有道圖長治報國勤看大洞經

安奉祀典鬼神

立夏七

社廟神祇與百靈欲求陞擢蓋无因還名善籍增威力且暮須聽大洞經

資薦祖先冤讎

小滿八

眷屬宗親父母冤久留地府不起外欲思薦拔緣无力齋戒勤看大洞經

除家訟絕微呼

芒種九

冢訟微呼累後人又兼謹告在天堂生生世世遺殃咎解止宜看大洞經

解觸犯安墳宅

夏至十

或為營修與築墳與工動土犯凶神致令宅宇多災咎解息宜持大洞經

除瘟疫

小暑十一

行病年王統五瘟遍州歷里害生民保全都族无傳染嚴潔同看大洞經

救疾病

大暑十二

月厄年災久染身尋醫問卜與求神不能解離无門告命道皈依大洞經

拯濟窮冤滯鬼

立秋十三

六類冤親男女冤冥冥漢漢在幽陰普教爰煉生天界好與頻看大洞經

解冤結

處暑十四

六道冤家結得深冤冤相報幾時停欲令各各生歡喜除是聽聞大洞經

釋凍呪

白露十五

或為爭財或為嗔一時忿怒斗神明結成鬼訟何時了解雪无非大洞經

息群兇

秋分十六

疾病喪亡不離身官災盜賊苦侵凌財消物散如水雪保佑當持大洞經

滅妖怪

寒露十七

木石狐狸猴犬精拋磚放火現人形作威作福求淫祀殄滅宜看大洞經

禁蟲虎

霜降十八

居處山林與獨行蟲蛇狼虎毒傷人尋聲迴避无遺毒住坐留心大洞經

開心志啓聰明

立冬十九

士子儒生茅塞心神重應對不聰明揮毫欲得如神助先好常持大洞經

保形神

小雪二十

如幻如泡是此身蒸精神裏好修真保全形命同天在熟玩文昌大洞經

教誠富家

大雪二十一

莫恃家豪積萬金天司奪祿易危傾有時正好修功德割已刊行大洞經

述古應驗

冬至二十二

一片真心達上清感通得授自三神此身位

證天尊果只為勤看大洞經

普勸善信

小寒二十三

聽我重言大洞經斯文玄奧果難名无边功德莫思議普勸凡夫不可輕

收因結果

大寒二十

元始天王說大乘有緣方遇此尊經若能終始勤修誦共作文昌一會人

仰啓頌

仰啓三清境无上三境尊元始大法王大慈真教主玉宸大道君太玄真道父仰稽大羅天无上玄穹主仰啓三清界侍宸諸真衆蒼胡頡寶珠所結大洞經妙道難思議玉章生萬神大慈元始尊金像出地戶化現三神人葛杖贈金寶夢中袖二書錄法並相授變化現文昌隨願隨靈應臣今淨三業永斷血屍根奉符入玉京稽首黃金闕一心頭面禮元始大法王惟願大慈悲開受臣所請願臣默想念合符帝一前越度仙黃庭俱躋太漠外七祖斷玄滯受事會玉皇願臣諷誦時百靈皆會集音徹通萬天流響達九地成就一切

願如經所稱述從此漸進修成道事諸聖

禮請頌

經筵諸孝友金石初心一禮一稱名皈依七曲主注想始青天先天長壽母注想紫雲巖文昌真國土後天慈父母化現桂香官孝子及慈孫列見侍慈容願受真信禮故大如意光隨心隨夢應嗣祿互儲祥願我侍慈親生生榮鶴髮願我逢聖時步步榮寵願我灰生方厚生富財寶隨念如意光隨方躋壽域願我因緣熟學道得神仙願我業垢空惟心即淨土善與人天衆出離諸苦門漸進漸修持量緣證諸果金石一真心真心歸七曲諸佛諸天尊心香同贊祝願與諸經生一心歸命禮

至心皈命禮

玉清聖境清微天宮鬱羅蕭臺之中森羅淨泓之上現有為之梵相具无極之神通敷演真玄破无有色空之礙極提趣類絕智愚高下之分妙用難窺靈樞罔測大悲大願大聖大慈无量度人元始天尊

至心皈命禮

北方境內玄武位中始從金闕以化身終輔玉皇而斷惡修真學道功成於四十二年拯世度人澤被於千萬億劫有祈皆應无願不從威德稱遂於乾坤願力洪深於海嶽功過必察賞罰无私大悲大願大聖大慈玄武助順靈應真君玉虛師相玄天元聖仁威上帝終劫濟苦天尊

至心皈命禮

始青天上元命化初一炁未滿含七曲真元之粹九天肇始包三光精體之全鸞機无朕兆之可名鶴質仰清高而莫議先天先地之慈母不古不今之婉容陽回十月五日之春教演三綱五常之祖壽綿長壽形賦无形載觀本行集之跋經莫測始青天之證道大悲大願大聖大慈七曲初劫賦形先天長生壽母太極元君十月初五日

至心皈命禮

桂香內殿文昌上官道體混成含九十五回之化真元未露儲三萬六千之精闢後天不

老之鸞書本青霄莫測之熊夢神父之大慈  
父至人之上善人脉壽三綱五常之根心包  
百行萬善之體皈依莫盡稱讚何忘大悲大  
願大聖大慈七曲聖父顯應慈佑仁裕令德  
王證果長壽王菩薩儲真衍慶天尊二月十日

一日

至心皈命禮

桂香內殿文昌上宮淑質春和含太真之淑  
氣清光秋湛蘊七夕之清輝包龍象於未滿  
隱鸞標於不露劍泉之大慈母蓬萊之上善  
人產萬世之綱常生九天之名教皈依莫盡  
稱讚何忘大悲大願大聖大慈七曲聖母昭  
德積慶慈懿恭惠妃證果保光菩薩嗣慶儲  
祥元君咸氏七月七日誕

至心皈命禮

桂香內殿文昌上宮九十五回種善果於詩  
書之圖百千萬化培桂根於陰陽之田自雷  
杼炳靈於鳳山至如意儲祥於鰲岫關人心  
必本於篤親之孝壽國脉必先於致主之忠  
應夢在生垂慈憫苦大仁大孝大聖大慈神

文聖武孝德忠仁王新冊輔元開化文昌司  
祿宏仁帝君澄真正觀寶光慈濟天尊二月

至心皈命禮

桂香內殿文昌內宮懿範冰清擢九天之霄

月仁心春粹扇七曲之家風婉儀入侍於親  
闈慈淑天全於母道上下一堂之和氣古今  
萬世之春臺應夢儲祥因心演化大仁大孝  
大聖大慈恭順淑應德惠昭懿皇后證果定  
應菩薩冲和洞妙元君先仲氏諱質正五月

李氏

至心皈命禮

桂香內殿文昌輔官聖德慈祥一念嗣家聲  
之脉神功顯著九天寬帝父之心戲綵雲巖  
詳无體无聲之禮樂問安月窟傳有典有則

之箕裘錫五福於生生仁孝之家榜三元於  
奕奕詩書之裔因心立教應夢儲祥至仁至  
孝至聖至慈聖長子嗣德履孝王文昌衍慶

真君諱然明 滄石 三月初二日誕

至心皈命禮

桂香內殿文昌輔官淑質春柔粹婉容於侍  
問貝心玉潔儀懿範之清高相成震長之家  
聲默識允和之間則教流愷悌化洽冲和應  
夢儲祥因心錫慶至仁至孝至聖至慈聖長  
婦喜助顯懿循孝夫人文昌靜應天君韋氏 八月

初一日

至心皈命禮

桂香內殿文昌輔官父子一家全克孝克慈  
之道君臣千載盡止仁止敬之心模範人文  
本綱常而立敬準繩世道根詩禮之趨庭幹  
蠱於陰陽之天福謙於行藝之圖因心演化  
應夢儲祥至仁至孝至聖至慈聖次子昌德  
立孝王文昌司祿真君諱懋陽正月 初一日誕

至心皈命禮

桂香內殿文昌輔官孝德謙柔禀一元之淑  
質貞心坤順婉七曲之闈儀五婦嶺前揭問  
安之華典三湖水上游積慶之清源應夢儲  
祥因心演化至仁至孝至聖至慈聖次婦助  
順惠懿克孝夫人文昌嗣慶天君韋氏 二月 十八日誕

至心皈命禮

桂香內殿文昌內宮蟾蜍凝祥根父天之慈  
愛驚心欲福陶母德之雍和霜姿雪質之清  
不物於物春風秋月之抱自天其天內觀萬  
境之空幻得九天之道心清莫議德婉難名  
至仁至孝至聖至慈淑真妙靖懿孝公主文

昌萬壽天君四月十日  
六日誕

至心皈命禮

桂香內殿文昌內宮凜凜天姿道矩肅家聲  
之粹挺挺風烈仁聲流化治之新雷電間發  
於春和人人開悟雨露旁周於天表物物生  
成應念儲祥炳靈應夢至仁至孝至聖至慈  
聖長孫紹應昭靈至孝侯文昌積慶真人河

七月  
三日誕

至心皈命禮

桂香內殿文昌內宮聖質天姿粹出春風之  
抱仙標道矩割開秋月之清四世一堂印印  
閨儀之雍肅百行萬善天天家慶之精詳應  
夢炳靈隨機演化至仁至孝至聖至慈聖長  
孫婦淑應紹孝夫人文昌積慶天君李氏十五  
月一十  
八日

至心皈命禮

桂香內殿文昌內宮談笑春風字字仁心之  
發育動容和氣言言家法之流傳子承聖子  
之心根培陰陽孫繼神孫之體果證真仙應  
夢儲祥因心立教至仁至孝至聖至慈聖次  
孫承應宣靈順孝侯文昌襲慶真人月十三  
日

至心皈命禮

桂香內殿文昌內宮玉質金姿父母熟栽培  
之地恩光化日子孫綿嗣續之天生根榮陰  
陽之根內資相警休命續衣冠之命煥出相  
成應夢儲祥隨機演化至仁至孝至聖至慈  
聖次孫婦慧應體孝夫人文昌襲慶天君李氏  
七月二十  
三日誕

禮請已周依光懺悔

七曲慈尊真教主慈父慈母同我生子生聖  
子皆孝慈孫繼神孫盡慈孝一家和氣春无  
盡萬世春臺月有光慈光普照諸天人細入  
微塵滿天地我生同得乾坤體一似文昌始  
劫時聖非自聖凡自凡流液至今方覺悟願

達七曲慈尊敬惟忠惟孝惟慈心不以口業  
傲神人不以身業累父母不以意業欺天地  
不以心業禍子孫願從孝行與陰功種種力  
行諸方便懺贖多生諸罪垢皈依元皇大慈  
尤求嗣求祿求生方不求諸人求諸己惟我  
文昌七曲師歷劫待人存恕法願放一種如  
意光憫念衆生真懺悔

懺悔已周次當發願

父母願同長壽果龜齡鶴髮映慈光已身願  
拜大吉祥仰事俯育无苦惱子孫願喫雲巖  
桂嘉與己身同發榮父慈子孝一家春光明  
无負慈尊教願蒙七曲親提接指引登真選  
佛門捨生受生正徧知盡未來世俱圓滿  
發願已周次當發願

桂香殿上仁孝主教兩周流洗業根業根化

作桂花香善本種成長壽果一家骨肉元煩  
惱七曲子孫同護持普願今世與來生紫雲  
巖前長得道步步心心帝左右生生世世天  
主張骨凡可換心可灰一點真心自金石  
信禮澄真正觀寶光天尊

文昌大洞經筵

平座讚 梵音唱

稽首虛皇天尊前 請誦洞經

凡欲誦經先淨三業

淨身業神呪 淨水洒頂盥手左  
手玉訣右手劍訣

身中之內境三萬六千神動作履行藏前劫并後劫願身常清淨常住三寶中當於劫壞時願身常不滅急急如律令

淨心業神呪 傳手燻然香煙  
一口左手辭訣

大道降真炁吐納煉五神願使攝諸冤心業常清淨斷除萬種障驅蕩一切殃降伏諸有情動念歸正道急急如律令

淨口業神呪 仍各飲水一  
口左手坡訣

口為太和宮吐納降真炁時時誦寶經日日餐法味勿發諸惡言莫起邪淫意願滅罪苦根常論正真義急急如律令

淨天地神呪 以水洒經筵內  
外左手四正訣

太一之精東井之華流灌一體蕩穢除邪淨如明珠潔如蓮華化金光身步雲錦霞登七寶殿為真仙家急急如律令

安土地神呪 左手  
寅訣

元始安鎮普告萬靈獄瀆真官土地祇靈左社右稷不得妄驚回向正道內外澄清各安方位備守帝庭太上有命搜捕邪精護法神王保衛誦經皈依大道元亨利貞急急如律令

開經玄蘊呪

玄元始炁分 玄元始三  
炁初分 清華開洞神 清明文華開  
啓大洞尊神  
靈風回太和 神風鼓動  
太和之氣 玉音攝流精 琳瑯之韻  
玉振金聲  
至哉本自然 至哉之道非  
他強為之 誰識此幽文 誰能識  
幽隱之文  
堅剛明一悟 人能悟極不  
迷中二乘 倏忽超三乘 須刻之間頓  
超最妙上乘  
寂寂无色根 寂然虛靜  
不滯空色 永劫莫漂沉 堅劫不昧  
安能流沉  
胡能精修持 何不精進  
以此道 究竟登玉清 終登玉清聖境  
云爾身得安存

玉清元極總真文昌大洞仙經卷之二

玉清元極總真文昌大洞仙經卷之三 查  
東蜀蓬萊山中陽子術琪註  
道言昔在龍漢劫初元始天王出大洞玉經於高上大有玉清宮

道言乃玉宸道君言說昔在者向來往古之稱龍漢者自一炁孕於空洞之中太无之始上无復色下無復淵混沌太虚浩瀚流溟七千餘劫其炁周流相去九萬九千九百九十里為一歲言其炁如龍變化莫测故號龍漢運推數極三景開明謂之赤明梵炁彌羅萬範開張元網流演生天立地開化神明謂之開皇三劫分曉按大有金書天寶君生於龍漢元年當年出書靈寶君生於龍漢開圖經一劫至赤明元年出書神寶君生於赤明元年經二劫至上皇元年出書此三寶方有定名而神王奏請云數終甲申洪流蕩穢赤明以來至上皇元年受度者二十四萬人開皇以後數至甲申諸天選叙仙曹空廢當於三代取十萬人充其任又舉一十二萬人充儲官